

P R A V I L N I K
O IZMJENAMA PRAVILNIKA O RADNIM ODNOSIMA ZAVODA ZA
IZGRADNJU KANTONA SARAJEVO

Oktober 2022. godine

Na osnovu člana 66. Zakona o organizaciji uprave u Federaciji Bosne i Hercegovine („Službene novine Federacije Bosne i Hercegovine“, broj 35/05), člana 48. Zakona o državnoj službi u Kantonu Sarajevo („Službene novine Kantona Sarajevo“, broj 31/16), člana 2. Zakona o namještenicima u organima državne službe u Federaciji Bosne i Hercegovine („Službene novine Federacije BiH, broj 49/05), člana 118. Zakona o radu Federacije Bosne i Hercegovine („Službene novine Federacije BiH, broj 26/16 i 89/18), člana 31. Zakona o pravima demobiliziranih branilaca i članova njihovih porodica („Službene novine Federacije BiH“, broj 54/19), člana 110. Kolektivnog ugovora za državne službenike i namještenike u organima državne službe Kantona Sarajevo („Službene novine Kantona Sarajevo“, broj 30/22), uz konsultacije i pribavljeno mišljenje Sindikata Zavoda za izgradnju Kantona Sarajevo broj: SO-05/22 od 06.10.2022. godine i Ministarstva pravde i uprave Kantona Sarajevo broj: 03-04-02-42250-1/22 od 10.11.2022. godine, direktor Zavoda za izgradnju Kantona Sarajevo donosi:

PRAVILNIK O IZMJENAMA PRAVILNIKA O RADNIM ODNOSIMA ZAVODA ZA IZGRADNJU KANTONA SARAJEVO

Član 1.

(Izlazak u privatne svrhe)

U Pravilniku o radnim odnosima Zavoda za izgradnju Kantona Sarajevo, broj: 05-036-676/19 od 30.08.2019. godine član 5. stav (1) mijenja se i glasi: “Direktor Zavoda ili neposredno nadređeni državni službenik, može u izuzetno opravdanim slučajevima na pisanom obrascu, čiji je sastavni dio zahtjev, saglasnost/odobrenje, zaposleniku u toku radnog vremena odobriti izlazak u privatne svrhe maksimalno do 4 (četiri) sata dnevno, s tim što za jedan kalendarski mjesec ukupno ne može iznositi više od 8 (osam) sati.”

Član 2.

(Godišnji odmor)

Član 9. stav (2) mijenja se i glasi:

(1) “Plan korištenja godišnjeg odmora iz stava (2) član 9. utvrđuje direktor Zavoda najkasnije do kraja aprila tekuće godine, uz prethodnu konsultaciju sa zaposlenicima Zavoda, uzimajući u obzir potrebe posla, kao i opravdane razloge radnika.”

Član 9. stav (8) mijenja se i glasi:

(2) “Zaposlenik Zavoda koji ne koristi dio godišnjeg odmora u smislu stava (7) član 9. nema pravo prenošenja godišnjeg odmora u narednu godinu.”

Član 3.

(Plaćeno odsustvo)

U članu 12. stav (2) iza riječi stav (1) dodaje se: “tačka (b)”.

Član 4.

(Oblici i zaštita od diskriminacije)

(1) U članu 18. stav (1) iza riječi diskriminacije dodaje se: “iz člana 8. Zakona o radu”.

(2) U članu 18. stav (1) tačka a) briše se a dosadašnje tačke b), c), d), e) i f), postaju tačke a), b), c), d) i e).



Samostalni sindikat državnih službenika I namještenika Kantona Sarajevo
Sindikalna organizacija Zavoda za izgradnju Kantona Sarajevo
Ulica Kaptol broj 3, 71000 Sarajevo, Bosna i Hercegovina

Broj: SO - 05 /22
Sarajevo, 06.10.2022.godine

ZAVOD ZA IZGRADNJU KANTONA SARAJEVO
SARAJEVO

| | |
|------------|------------|
| Objavljeno | 06-10-2022 |
| Str. broj | 4 |
| Priloga | 9329 |
| Vrijednost | |

ZAVOD ZA IZGRADNJU KANTONA SARAJEVO
Sektor za imovinsko-pravne i pravne poslove

n/r Sanide Pašić, pomoćnik direktora

PREDMET: Mišljenje Sindikalne organizacije Zavoda za izgradnju Kantona Sarajevo na Pravilnik o izmjenama Pravilnika o radnim odnosima Zavoda za izgradnju Kantona Sarajevo.

Na osnovu člana 118. stav (2) i (4), te odredbama člana 131. stav (2) Zakona oradu ("Službene novine Federacije BiH", broj 26/16 i 89/18) Sindikalni odbor Zavoda za izgradnju Kantona Sarajevo donosi:

MIŠLJENJE

Predloženi Pravilnik o izmjenama Pravilnika o radnim odnosima Zavoda za izgradnju Kantona Sarajevo je usaglašen sa Kolektivnim ugovorom za državne službenike i namještenike u organima državne službe Kantona Sarajevo ("Službene novine Kantona Sarajevo", broj 30/22).

Sindikalna organizacija Zavoda za izgradnju Kantona Sarajevo daje pozitivno mišljenje na navedeni Pravilnik.

S poštovanjem,



Sindikalni odbor
Sindikalne organizacije Zavoda za izgradnju
Kantona Sarajevo

Jasmina Lukovac
Jasmina Lukovac, predsjednik



Bosnia and Herzegovina
Federation of Bosnia and Herzegovina
CANTON SARAJEVO
Ministry of Justice and Administration

Broj: 03-04-02-42250-1/22
Sarajevo, 10.11.2022. godine

ZAVOD ZA IZGRADNJU KANTONA SARAJEVO

| | | | |
|-----------|------------|--------|------------|
| Prilijeno | 14-11-2022 | | |
| Org. jed. | 0101 | Prilog | Vrijednost |
| | 4p | 1077 | |

ZAVOD ZA IZGRADNJU KANTONA SARAJEVO
gđa. **Belma Barlov, direktorica**

**PREDMET: Prijedlog Pravilnika o izmjenama Pravilnika o radnim odnosima
Zavoda za izgradnju Kantona Sarajevo, mišljenje –**

VEZA: Vaš akt, broj: 02-45-10303/22 od 02.11.2022. godine

Postupajući po Vašem aktu, broj i datum gornji, na osnovu odredbi člana 7. Zakona o ministarstvima i drugim organima uprave Kantona Sarajevo ("Službene novine Kantona Sarajevo", broj 40/22) i člana 7. stav 2. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj 50/17-Drugi novi prečišćeni tekst i 2/18-Ispravka i 32/22), Ministarstvo pravde i uprave razmotrilo je prijedlog ovog pravilnika i daje sljedeće

MIŠLJENJE

Prijedlog Pravilnika o izmjenama Pravilnika o radnim odnosima Zavoda za izgradnju Kantona Sarajevo je propis kojim se ne povrjeđuju prava zaštićena odredbama Evropske konvencije o zaštiti ljudskih prava i osnovnih sloboda, niti je u suprotnosti sa drugim pravnim aktima, kojima je utvrđena zaštita ljudskih prava i sloboda.

S poštovanjem,

Dostaviti:
1. Naslovu;
2. a/a.


MINISTRICA
Darja Softić Kadenić
Darja Softić Kadenić